

Tasiilaq 26. Feb. 2016

Inatsisartut suleriaasianni § 37 naapertorlugu matumuuna imaattunik apeqquteqaatinik Naalakkersuisunut saqqummiussivunga:

Apeqqutit:

- 1. Ilinniartut meerallit namminneq attartukkamik ineqarsimappata, taakku qanoq allatigut aningaasatigut ikiorsiissutitigut periarfissqarpat inigisaminnut akiliinissaminut?**
- 2. Aappariit ilinniartuinnaallutik inimi attartukkami najugaqarunik ilumoorpa akiliutitigut ikilisaavigineqarsinnaanngitsut?**
- 3. Ilinniarnerminnik ingerlatsiinnarusuttut aningaasatigulli akunnattumik isertitallit qanoq ikiorneqarsinnaappat?**
- 4. Ilinniartut kollegiani najugaqanngitsut, inissianili attartortittakkani najugallit oqilisaaffiginarlugit qanoq Naalakkersuisut periarfissiinissamik suliniuteqarpat? Aamma suliniutit ingerlasimappata qaqugu pinissaat naatsorsuutigineqarpa?**

(Inatsisartuni ilaasortaq Laura Táunâjik, Siumut)

Tunngavilersuut:

Ilinniartut aappariit ilinniartuinnaallutik inimi nalinginnaasumik najugaqarfigisaminni attartukkaminni najugaqarumallutik ilungersortut, allatigullu isertitaqanngitsut nunatsinni tusarsaakulapput.

Politikikkut pingaartinneqartuarpoq inuit ilinniarsimasuusariaqartut, taakuummata sakkussatta pingaarnersaat. Taamaakkaluartorli ilinniartut attartortittakkani soorlu INI A/S imaluunniit ISERIT A/S-imi najugallit akiligassatigut inorsillugit inuuniuteqartut arlaqartut ilisimavagut.

Ilinniaqquseqalutalu ilinniartulli atugaasa pingaartumik meerartallit oqilisaavigineqartannginnerat ilaatigut ilinniarnermik taamaatitsiinnarnermik kinguneqartarpoq. Tamanna aningaasarpassuarnik naleqarpoq. Ilinniarumasunullu piumassuseq aporfimmik nassataqareerpat tunuarsimaarsimaartit-silersinnaavoq. Taamaattumik ilinniartut INI a/s aamma Iserit a/s-imi attartukkanik najugallit pitsaanerusumik aqutissiuunneqarnissaat naleqquttuovoq. Ilinniaqqusinermimi kaammattuuteqarsinnaanngilagut inuuniarnikkut periarfissaannik aporfilersuutigalugit.